

ხელშეკრულება სახელმწიფო შესყიდვის შესახებ № 113

ქ. თბილისი

13 მაისი 2015 წელი

ხელშეკრულების დადების საფუძველია სსიპ ტექნოლოგიური განვითარების ფონდის მიერ ჩატარებული კონკურსი № 1581

1. ხელშეკრულების დამდები მხარეები

ერთი მხრივ, ს.ს.ი.პ „ტექნოლოგიური განვითარების ფონდი“ (შემდგომში „შემსყიდველი“) წარმოდგენილი მისი უფროსის მოვალეობის შემსრულებლის კახაბერ გვანცელაძის სახით და მეორე მხრივ, შპს „დაგენბახლენდსკეიპსი“ (შემდგომში „მიმწოდებელი“) წარმოდგენილი მისი დირექტორის ნინო ლეჟავას სახით, „სახელმწიფო შესყიდვების შესახებ“ საქართველოს კანონისა და მიმწოდებლის საკონკურსო წინადადების საფუძველზე, შემსყიდველის მიერ ჩატარებული კონკურსის (საკონკურსო განცხადება N **1581**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი და კლასიფიკატორის კოდი

- 2.1 ქალაქ თბილისში კარგარეთელის ქუჩაზე „მწვანე ქუჩის“ მოწყობისათვის საჭირო კონცეფციის შედგენა, მისი განსაკუთრებულ „მწვანე“ სტატუსით დაგეგმარება და საუკეთესო ვიზუალური დიზაინის შემუშავების სახელმწიფო შესყიდვა.
- 2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით გათვალისწინებული პირობების დაცვით.
- 2.3 მიმწოდებელი იღებს ვალდებულებას მომსახურების მიწოდება განახორციელოს ჯეროვნად, საკონკურსო დოკუმენტაციის, საკონკურსო წინადადებისა და წინამდებარე ხელშეკრულების პირობების შესაბამისად.
- 2.4 ხელშეკრულებით გათვალისწინებული მომსახურების აღწერა მოცემულია დანართი №1-ში, რომელიც წარმოადგენს ხელშეკრულების განუყოფელ ნაწილს.
- 2.4 CPV კოდი: 71200000.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 14 500 (თოთხმეტი ათას ხუთასი) ლარს.
- 3.2 მომსახურების ფასი და ხელშეკრულების ღირებულება შეიცავს მიმწოდებლის ყველა ხარჯს, რაც დაკავშირებულია მომსახურების გაწევასთან, მათ შორის საქართველოში მოქმედი კანონმდებლობით დადგენილ ყველა გადასახადს.

4. მომსახურების გაწევის პირობები

- 4.1. მიმწოდებელმა ხელშეკრულების დადებიდან 10 (ათი) კალენდარული დღის განმავლობაში, დანართი №1-ის შესაბამისად, უნდა წარმოადგინოს კონცეფციის საბოლოო ვარიანტი, საჭიროების შემთხვევაში შემსყიდველის მითითებების შესაბამისად შეიტანოს ცვლილებები კონცეფციაში და კონცეფციის საბოლოო ვარიანტი შეათანხმოს შემსყიდველთან. რაზედაც გაფორმდება შესაბამისი მიღება-ჩაბარების აქტი;
- 4.2 მიმწოდებელს შეუძლია ქუჩის აუცილებელი კომპონენტების გარდა, დამატებით წარმოადგინოს საკუთარი ინიციატიული შეთავაზებები, ასევე თავად განსაზღვროს სამანქანო გზის, ტროტუარის, ფასადებისა და სახურავების მოწყობის საშუალებები და ვიზუალური მხარე.

5. მიწოდების ვადა და ადგილი

- 4.1. მომსახურების გაწევის ვადაა ხელშეკრულების გაფორმებიდან 10 (ათი) კალენდარული დღე.
- 4.2. კონცეფციის საბოლოო ვარიანტის მიწოდება უნდა მოხდეს ს.ს.ი.პ „ტექნოლოგიური განვითარების ფონდი“-ს ოფისში, მის, ქ. თბილისი, მიცკევიჩის 29ა, მე-4 სართული.

6. შესყიდვის ობიექტის მიღება-ჩაბარების წესი

6.1 მომსახურება ჩაითვლება მიღებულად, მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

6.2 მიღება-ჩაბარების აქტის დამოწმებაზე უფლებამოსილი პირია სსიპ „ტექნოლოგიური განვითარების ფონდი“-ს ადმინისტრაციული სამსახურის უფროსი გიორგი გაბიძაშვილი.

7. ანგარიშსწორების ფორმა და გრაფიკი (ვადები)

7.1 ანგარიშსწორების ფორმა იქნება უნაღდო. ლარებში

7.2 ანგარიშსწორება განხორციელდება, მიღება-ჩაბარების დოკუმენტების გაფორმებიდან არაუგვიანეს 20 კალენდარული დღის განმავლობაში..

7.3. დაფინანსების წყარო: ადგილობრივი თვითმმართველი ერთეულის ბიუჯეტი.

8. ხელშეკრულების პირობების გადასინჯვის შესაძლებლობა

8.1 არავითარი ცვლილებები ან გადახრა ხელშეკრულებაში არ დაიშვება ორივე მხარის მიერ ხელმოწერილი წერილობითი შესწორებების გარდა. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 - ე მუხლით გათვალისწინებული შემთხვევებისა. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანდ და არც ნაწილობრივ არ უნდა გადასცეს სხვა სუბიექტს მოცემული ხელშეკრულებით გათვალისწინებული თავისი ვალდებულებები.

8.3 ხელშეკრულების შესრულების პროცესში რაიმე ხელის შემშლელი გარემოებების წარმოშობისას მხარეებმა ურთიერთობა უნდა მოაგვარონ წერილობითი შეტყობინების გზით.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის, ასევე მომსახურების გაწევის წესების დარღვევისთვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების ღირებულების 1%-ის ოდენობით. მომსახურების გაწევის წესების დარღვევისთვის, მიმწოდებლისათვის პირგასამტეხლოს დარიცხვა დაიწყება შემსყიდველის მიერ ხარვეზის აღმოფხვრისათვის მიცემული გონივრული ვადის გასვლიდან ხარვეზების აღმოფხვრამდე. პირგასამტეხლოს გადახდა არ ათავისუფლებს მიმწოდებელს ნაკისრი ვალდებულებების შეუსრულებლობისგან საქართველოს სამოქალაქო კოდექსის შესაბამისად.

9.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით საქართველოს სამოქალაქო კოდექსის შესაბამისად.

9.4 ხელშეკრულების შეწყვეტა მისი პირობების შეუსრულებლობის გამო.

შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლის მიერ ვალდებულებების შეუსრულებლობის გამო, მიმწოდებლისათვის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი.

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

ამ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ მისი ვალდებულებების შეუსრულებლობა არის ფორს-მაჟორული გარემოებების შედეგი.

10.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებათა მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. ხელშეკრულების მოქმედების ვადა

11.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2015 წლის 30 ივნისის ჩათვლით.

12. სხვა პირობები

12.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან.

12.2 მხარეთა შორის სადავო საკითხები წყდება მხარეთა მოლაპარაკების გზით. შეთანხმების მიუღწევლობის შემთხვევაში საკითხს განიხილავს სასამართლო.

12.3 „შემსყიდველი“ უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

12.4 ხელშეკრულება შედგენილია ქართულ ენაზე, 2 ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების 1 (ერთი) ეგზემპლარი ინახება „შემსყიდველთან“, 1 (ერთი) ეგზემპლარი „მიმწოდებელთან“.

13. მხარეთა რეკვიზიტები

„შემსყიდველი“

სსიპ „ტექნოლოგიური განვითარების ფონდი“
მის: ქ. თბილისი, კოსტავას 33 ა
ს/კოდი: 205298211
ა/ა ხაზინის ერთიანი ანგარიში

სსიპ „ტექნოლოგიური განვითარების ფონდი“-ს უფროსის მოვალეობის შემსრულებელი:

„მიმწოდებელი“

შპს „დაგენბახლენდსკეიპსი“
საიდენტიფიკაციო კოდი: 400083468
მის: ქ. თბილისი, დ. აღმაშენებლის ხეივანი მე-15 კმ
ს/ს „პროკრედიტ ბანკი“
ბანკის კოდი: MIBGGE22
ა/ა: GE13PC0293600100009455
შპს „დაგენბახლენდსკეიპსი“-ს დირექტორი

კახაბერ გვანცელაძე



ნინო ლუავა

ტექნიკური დავალება

ფასების ცხრილი

№	დასახელება	ღირებულება (ლარი)
1	ქალაქ თბილისში კარგარეთელის ქუჩაზე „მწვანე ქუჩის“ მოწყობისათვის საჭირო კონცეფციის შედგენა, მისი განსაკუთრებულ „მწვანე“ სტატუსით დაგეგმარება და საუკეთესო ვიზუალური დიზაინის შემუშავება	14 500

ტექნიკური დავალება, კონცეფციის შედგენა-შემუშავება:

მწვანე ქუჩა უნდა მოეწყოს ქ. თბილისში, კარგარეთელის ქუჩაზე, (ჩუღურეთის რაიონი) რომლის სიგრძეა დაახლოებით 230 მეტრი. მიმწოდებლის მიერ უნდა შეირჩეს დასარგავი ხეების სახეობა. ხეების სახეობის შერჩევას გათვალისწინებული უნდა იქნას ხე-მცენარეების შესაბამისობა თბილისის ნიადაგურ და კლიმატურ პირობებთან, ასევე აქცენტი გაკეთებული უნდა იქნას ვიზუალურ მხარეზე. საპროექტო ორგანიზაციამ ქუჩის სპეციფიკიდან გამომდინარე უნდა განსაზღვროს დასარგავი ხეების რაოდენობა, მათი ერთმანეთთან დაცილების მანძილი, დასარგავი ხეების ასაკი და დაახლოებითი სიმაღლე.

ქუჩაზე განთავსებული შენობა-ნაგებობების სპეციფიკის გათვალისწინებით უნდა მოხდეს სახურავების და ფასადების შეკეთება, ასევე ფასადებზე შესაძლებელია ვერტიკალური გამწვანების მოწყობა.

სამანქანო გზაზე და ფეხით მოსიარულეთა ტროტუარზე უნდა დაიგოს ახალი ინოვაციური საფარი, რომელიც თანხვედრაში იქნება ქუჩის განსაკუთრებულ „მწვანე“ სტატუსთან. შესაძლებელია განისაზღვროს ტროტუარისა და სამანქანო გზის ახალი ზომები.

უნდა მოიჭრას ქუჩაზე არსებული დაზიანებული ხეები. უნდა მოიხსნას არსებული გარე განათების ბოძები და ელექტროგაყვანილობები და სხვა საკომუნიკაციო ხაზები უნდა განთავსდეს მიწის ქვემოთ.

გარე განათების ქსელი უნდა უნდა მოეწყოს მზის ენერჯიაზე. უნდა დამონტაჟდეს მზის ენერჯის მიმღები აპარატურა (კოლექტორები).

გარე განათების ბოძებზე უნდა მოეწყოს დეკორატიული ყვავილები.

ქუჩაზე უნდა განთავსდეს ჰაერის მონიტორინგის ავტომატური სადგური, რომელიც აღჭურვილი უნდა იქნას საინფორმაციო ციფრული ტექნოლოგიური მოწყობილობის ეკრანით, რომელზეც გამოსახული იქნება ჰაერის დაბინძურების მაჩვენებელი/კოეფიციენტი 24 საათის განმავლობაში.

ქუჩაზე უნდა მოეწყოს სასმელი წყლის სენსორული შადრევნები.

ტროტუარებზე უნდა განთავსდეს ე.წ. „ჭკვიანი სკამები“, რომლითაც მოქალაქეებს საშუალება ექნებათ წვიმისაგან დასველებული მხარე ამოატრიალონ და ჩამოჯდნენ მეორე მხარეზე რომელიც მშრალი იქნება, ასევე ქუჩაზე უნდა დაიდგას ე.წ. „მწვანე ყუთი“ მაკულატურის შესაგროვებლად.

ქუჩაზე, მისამართების აღმნიშვნელები უნდა მოეწყოს გასანათებელი საშუალებებით, რომლებიც ენერჯიას მიიღებენ ანალოგიურად როგორც გარე განათების ბოძები, მზის ენერჯის საშუალებით.

ქუჩაზე უნდა დაიდგას მეორადი (პოლიეთილენის) ტარის მიმღები აპარატი. წარმოდგენილი უნდა იქნას აპარატის გამოყენების და ტარის კონკრეტულ კოპანიაზე გადაცემის სისტემა, რათა უზრუნველყოფილ იქნას ტარის მიღება ყოველდღიურად და ასევე დაცლა. აპარატში ტარის ჩაგდებისას მან უნდა გასცეს მუნიციპალურ-კულტურული სფეროს დაწესებულების ბილეთი ან სხვა პროდუქტი. აღნიშნული კომპონენტი შესაძლებელია განხილულ იქნას როგორც ქუჩის არასავალდებულო კომპონენტი, თუმცა კონკურსის შეჯამებისას იქნება გათვალისწინებული.

მიმწოდებელს შეუძლია ქუჩის აუცილებელი კომპონენტების გარდა, დამატებით წარმოადგინოს საკუთარი ინიციატიური შეთავაზებები, ასევე თავად განსაზღვროს სამანქანო გზის, ტროტუარის, ფასადებისა და სახურავების მოწყობის საშუალებები და ვიზუალური მხარე.

კახაბერ გვანცელაძე



ნინო ლუავა